



210200, Navbahortumani, Beshrabort
qo'rg'oni, Boburshohko'chasi

Navbahordistrict, 210200,
Beshrabort fortress, Boburshoh street

Tel: (79) 562-87-31, (79) 562-87-23
mail: i.navbahor@sud.uz

Веб сайт: www.oliysud.uz

e-

**ЎЗБЕКИСТОН РЕСПУБЛИКАСИ НОМИДАН
ҲАЛ ҚИЛУВ ҚАРОРИ**

Навбахор тумани

2022 йил 12 декабрь 4-2103-2201/1796-сонли иш

Навбахор туманлараро иқтисодий суди судьяси Ш.З.Хамидов раислигида, судья ёрдамчиси Ш.Искандаровнинг суд мажлиси котиблигида, аризачи Навбахор туман Давлат солиқ инспекциясининг жавобгар Мақсудбек Паризодаси масъулияти чекланган жамиятининг банклардаги ҳисобварақлари бўйича операцияларни тўхтатиб туриш тўғрисидаги аризаси бўйича ишни аризачи вакили К.Содиқов (2022 йил 12 декабрдаги 23-12596-сонли ишончнома асосида) иштирокида, жавобгар вакили иштирокисиз, Навбахор туман Давлат солиқ инспекциясининг маъмурий биносида бўлиб ўтган очик сайёр суд мажлисида кўриб чиқиб,

а н и қ л а д и:

Навбахор туман Давлат солиқ инспекциясидан рўйхатдан ўтган жавобгар Мақсудбек Паризодаси масъулияти чекланган жамияти (СТИР: 307992763)га нисбатан судга ариза билан мурожаат қилиб, белгиланган муддатларди солиқ ҳисоботини тақдим қилмаганлиги сабабли, жавобгарнинг банклардаги барча ҳисобварақлари бўйича операцияларини тўхтатиб туришни сўраган.

Иш муҳокамасининг вақти ва жойи тўғрисида тегишли тарзда хабардор қилинган жавобгар вакили суд мажлисига келмади. Бундай ҳолатда суд, Ўзбекистон Республикаси Иқтисодий процессуал кодекси (бундан буён матнда ИПК деб юритилади)нинг 128, 220-моддасига асосан ишни жавобгар вакили иштирокисиз, ишдаги мавжуд ҳужжатлар асосида кўриб ҳал қилишни лозим топади.

Суд мажлисида иштирок этган аризачи вакили, жавобгар ҳисоботларни тақдим этмаганлигини маълум қилиб, суддан арз қилинган талабни қаноатлантиришни сўради.

Суд аризачи вакилининг тушунтиришини тинглаб, ишдаги мавжуд ҳужжатларни ўрганиб чиқиб, қуйидагиларга асосан арз қилинган талабни қаноатлантиришни лозим топди.

Ўзбекистон Республикаси Солиқ кодексининг (кейинги ўринларда СК деб юритилади) 111-моддасига асосан, солиқ тўловчининг банкдаги ҳисобварақлари бўйича операцияларни ўн кундан кўп муддатга тўхтатиб туриш тўғрисидаги қарор солиқ органининг илтимосномасига асосан суд томонидан қабул қилиниши мумкин.



СКнинг 111-моддасига кўра, солиқ тўловчи (солиқ агенти) томонидан солиқ органига молиявий ва (ёки) солиқ ҳисоботи бундай ҳисоботни тақдим этишнинг белгиланган муддати тугаганидан кейин ўн кун ичида тақдим этилмаганда солиқ органи томонидан мазкур солиқ тўловчиларнинг солиқ мажбуриятлари бажарилишини таъминлаш учун юридик шахслар ва якка тартибдаги тадбиркорларнинг банкдаги ҳисобварақлари бўйича операцияларни тўхтатиб туришга асос бўлади.

Иш ҳужжатларига кўра, жавобгар Мақсудбек Паризодаси масъулияти чекланган жамияти Навбахор туман Давлат солиқ инспекциясига аризада кўрсатилган ҳисоботларни белгиланган муддатда тақдим этмаган.

Баён этилганларга асосланиб суд, аризада кўрсатилган ҳолатлар жавобгар томонидан бугунги кунда бартараф этилганлигини инобатга олиб, Навбахор туман Давлат солиқ инспекциясининг арз қилинган талабини қаноатлантиришни лозим топди.

ИПКнинг 118-моддасига кўра, суд харажатлари ишда иштирок этувчи шахсларга уларнинг қаноатлантирилган даъво талаблари миқдorigа мутаносиб равишда юкланади.

Шу сабабли суд ишни кўриш билан боғлиқ бўлган суд харажатларини жавобгарнинг зиммасига юклашни, “Давлат божи тўғрисида”ги Ўзбекистон Республикаси Қонуни 9-моддаси биринчи қисмининг 19-бандига кўра, аризачи ва жавобгар - ҳуқуқий таъсир чораларини қўллаш тўғрисидаги ишлар бўйича давлат божи тўлашдан озод қилинганлигини инобатга олишни лозим топди.

Юқоридагиларга асосан, Ўзбекистон Республикаси Иқтисодий процессуал кодексининг 118, 170, 176, 179 ва 222-моддаларини қўллаб, суд

қ а р о р қ и л д и:

Ариза талаби қаноатлантирилсин.

Жавобгар Мақсудбек Паризодаси масъулияти чекланган жамиятининг банклардаги ҳисобварақлари бўйича операция (солиқ тўловчининг банкдаги ҳисобварақ бўйича операцияларнинг тўхтатиб турилиши фуқаролик қонун ҳужжатларига мувофиқ биринчи навбатда кўрсатилган тўловларга, шунингдек қонун ҳужжатларига мувофиқ ундирувга йўл қўйилмайдиган банклардаги ҳисобварақларга татбиқ этилмайди)ларининг чиқиш қисми ҳуқуқбузарлик факти бартараф этилгунига қадар тўхтатиб турилсин.

Жавобгар Мақсудбек Паризодаси масъулияти чекланган жамиятига хизмат кўрсатувчи барча банклар Мақсудбек Паризодаси масъулияти чекланган жамиятига тегишли тўхтатиб турилган ҳисобварақлар бўйича операциялар тўхтатиб туришга сабаб бўлган ҳолатлар тўлиқ бартараф этилганлигини тасдиқловчи ҳужжат давлат солиқ хизмати органи томонидан тақдим этилгандан сўнг, Мақсудбек Паризодаси масъулияти чекланган жамиятининг тегишли ҳисобварақлар бўйича операциялар тиклансин.

Ҳал қилув қарори қабул қилинган кундан ўн кун муддат ўтгач қонуний кучга киради. Мазкур ҳал қилув қарори устидан ўн кунлик муддатда апелляция тартибида шикоят берилиши (протест келтирилиши) мумкин.

Судья

Ш.З.Хамидов



Ҳужжат имзоланган: Хамидов Шерали Зарипович, 12.12.2022

